




1192



誠齋集

三

Inches 1 2 3 4 5 6 7 8

Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow


Red


Magenta

White

3/Color

Black







誠齋集卷第五十三

廬陵楊

萬里

廷秀

啓

新除廣東提舉謝丞相啓

帝賚璽書從天而下恩頒玉節遵海而南疏榮祇
荷於九重密啓端由於一相頓首幸甚自視歛然
伏念某無挾而迂何恃而進入陪鸞鷺徒竊食於
太官出玷珪符媿奉法之循吏亦千慮之既竭曾
萬分之何裨乃眷延陵今為甸服民惟旣庶事亦
滋豐善政之得民財安知錢穀源流之處飾厨而

稱使客長在齒舌風波之中曾治行之蔑如問成
期而近止屬緣盡室之番病重以慈親之懷敏控
于秉均請從置散天高日遠將何地以叫閭雷厲
風飛不崇朝而出縛釋茲治劇詭以觀風衣繡而
敏故鄉庭闈驩喜出關而稱使者道路光華非播
物之無垠寧始願之及此茲蓋伏遇某官學潛三
極忠貫兩儀江漢炳靈豈相如子雲之足數天地
交泰蓋築岩釣渭之復生旁招群材緝熙萬務翦
焉孤陋遐不數遺某敢不飲冰在躬喙雪屬操要
令五嶺萬里之外周瘵其蘇如在二陝三輔之間

詔條無壅過此以往未知所裁

定羅氏親啓

百歲論交久忘年於鄰曲兩家生子復託契於婚
姻夫何聲氣之相求蓋緣草木之同味某人令弟
某人弟二小娘子幼而自異已傳柳絮之吟而某
姪子某弟四子某生未有知殊媿蘭芳茁惟是斷
金之舊願言倚玉之新發幣非然別牋敬止

答羅氏定親啓

兩家居五里之間相聞雞犬一日結再世之好如
鼓瑟琴羔鴈交馳著龜習吉某人令弟某弟幾令

似娟好靜秀已如玉雪之可憐某姪子某長男某
房下長女子婉婉聽從庶幾蘋藻之言未委幣甚
寵拜嘉有奉

廣東提舉到任謝趙丞相啓

假守延陵見謂催科之拙觀風南粵又叨禮樂之
奉戴恩不貲圖報無所依念某狷而自信愚且不
移幻癖於書欲策勲翰墨文章之錄長隨於牒亦
載贄功名事業之塗馬不進以柰何鳥倦飛而知
止頃邂逅於風雲之會欲奮發於鸞鷲之班方遇
事而直前已誤身而取敗一麾江海頗念求安三

輔浩穰更令治劇終夕五起二年百憂如漢詔厨
傳過客之勞長恐笞罵之不免若唐人燕寢凝香
之樂雖或夢寐而亦無荷播物之見恫未及瓜而
脫去駕言將母于邁還家黃獨無苗方絕歎木柄
長鏡之雪綠蕤細雨政獨釣桃花流水之魚詢彼
乘輅之期尚在嗣歲之臘不堪留渴而須井忽焉
有命以自天奉使而為見大夫曾何待次露肘而
見聖天子仍免造朝曲為之私不謁而獲茲蓋伏
遇大丞相潛心貫一致主登三位極六符之泰階
容光必照身作萬間之廣厦寒士俱懼曾是羈孤

載霑化育某敢不潔已律下齋心動民攬轡而思
澄清草嶺海姦貪之習褰帷而問風俗布朝廷寬
大之書過此以選罔知所措

賀葛正言啓

恭審顓俊著廷拾遺諫者古者所以責難於丕后
非舜不陳今代豈無敢言之正人如尊乃勇聞者
興起躍如攸離恭惟某官議論通乎古今名實孚
於上下以星翻漢回之光采作新斯文以山高水
深之風流照映當世諷儒先於三館俾廷爭於四
聰方聖天子從諫如流之秋曷嘗罪夫言者惟諫

大夫憂國若渴之志可曰無其時哉扶皇極於將
微護善類於既弱儻元氣無不實之處則外敵亦
何強之云即冠上坡用釋寰海某少而自好晚乃
早襄誦鵠經雞檄之聯十年於此想龍章鳳姿之
偉一覲何從善頌惟深敷言未究

賀黃侍御啓

恭審皇咨上坡位事橫榻屬者進格君心之論九
重亦為之回天移而為糾官邪之司群枉自然而
見覲此非平日之素焉得崇朝之孚恭惟某官以
海內寡二之絳章收天下第一之科目彼於權門

炙手可熱之日竭蹶而趨及聞高賢掉臂不顧之
風其穎有此逮公道之既白知寸心之獨丹廷爭
未幾臺端益峻士有攸挾恨無所施堵而觀流涕
太息之書孰不以古人而自詭起而當君子小人
之會其無負所學者幾希今聖主既求惟木之繩
在執事必為赴岳之水即疇孤立之操遂登獨坐
之崇某自分摧隤何辭漂泊瞻烏拍府晚乃依成
蔭之餘振鷺柳溝夢不到末行之旧不勝善頌未
究所宜

通問廣西漕梁次張寺丞啓

門李絳之同年早自附英游之下走與衛侯而偕
命晚乃分臨遣之末光誦玉壘春光飲別之詩覽
梅嶺夜半逃禪之句憶平生故人之驩若遣一介
行李而候之恭惟某官議論諸老之先人物千歲
之上懷連城而佩明月至寶不凋餐秋菊而紉春
蘭清暉自遠蓋貯之以玉堂而未快乃放之以金
節而斯何善類憮然遠民幸甚持使者之繡斧已
聳搖山之風織天孫之錦裳即煩揮翰之手某童
而怪怪老矣休休誦北山之移文長慙夜鶴之見
怨登東臯而舒嘯自憐倦鳥而猶飛

回向梧州開叔啓

仰止薊林之喬木今秀一枝靄然蒼梧之暮雲隨
來雙鯉呼長鬚而近止搔短髮而問焉恭惟某官
文雅追乎前脩聲光超乎當代首先正以名相之
勲德若引星辰惟執事有故家之典刑如生蘭玉
尚屈雲天之翼小留江海之麾旣治行之上聞即
召青之旋至某夙聞高誼幸通寶鄰每從事諸公
之間皆劇談盛名之下觀鸞飄鳳泊之古隸長想
其人得日光玉潔之環詞似見其面報章不腆善
頌何究

賀周子元參政啓

恭審疇咨儒英參秉機政欲治者無多術不過用
天下正人之宗選衆而得我公豈復有國人遺恨
之處善類訥合隆平紹開恭惟某官道函三之原
文傳襲六之統湛然厚德宏度之凝遠孰知有百
鍊之至剛萃乎孤忠直節之高寒中乃備四時之
和氣當衆正綴旒之日倚一賢砥柱之功於今延
登或謂臯綏抑嘗歷選於賢聖未始輕試於進為
顧其道顯晦之如何豈其身淹速之是計故莘渭
布衣而陟三事莫之或誹若夷夔終身而效一官

則又誰慙季世寔薄古風不暇至於一游說之間
便萌取卿相之意豈有平日不為當世之所許乃
欲任人之事權彼其初心惟以無位而為憂不思
既得之愧怍今執事致身於台斗而曠懷寄夢於
江湖半生兩禁之裴回五載六官之濡滯逮其望
磅礴鬱積而極其盛維岳峻天舉斯民咨嗟嘆息
息而屈其淹如防制水上心雪釋渙号雷行酌彼
公言置諸近弼然後談者罔不翕如喜哉吾道之
亨曷曰歲時之晚即奮熙於端揆用稿飲於群心
某老矣倦飛已焉榮望蓋伏櫪久忘於千里獨巢

林尚戀於一枝曩者或人之得醜乞諸鄰而後獲
繼今為母而請粟與之金以何難此其欣之獨
私豈與悠之者為比不勝贊喜罔究誦云

答吉水知縣蕭擇可啓

屬者鷓行得從大阮竹林之勝暇而燕語每傳小
謝春草之吟想其賢固一世之未多問其室乃兩
州之孔通帝遺就子男之國公聿來父母之邦亦
嘗一再以致書忽貽四六之妙斲咀華蔚若拜賜
躍如恭惟某官以槐庭八葉之英取桂林一枝之
秀粹乎名章俊語之藻維玉及瑤投之盤根錯節

之間非斤則斧欲便潘輿之奉聊從茂宰之除側
聽魯山為于之歌足追武城莞爾之喜即表章於
尤異遂翔集於禁巖某倦游落南夢寐還舍今創
見忠信慈惠之明府照臨故鄉獨莫隨耕桑隴畝
之野人鼓舞佳政其為欣賀未究播敷

賀王僑卿運使啓

恭審消選休成佩服印組鑲髓不絕已聞水解漕
下之稱父老縱觀皆有雪釋水順之意建臺肇允
成履載欣恭惟某官探道極先立言覺後雖及往
牛解閩十九年而若勃然地負海涵容數百人而

何止頃以丞相司直之重俯誠中丞平準之書今
從臬司即拜計相仰南斗文星之緯已三徙於芒
寒侍北天玉儿之尊竊一起而直入某級仁在子
遠跡序賓請言代匠之承豈云託契之淺々哦
豫章小草之句願相倚於平生視宣子嘉木之陰
顧敢忘於封殖善頌九折敷言万分

答廣西梁漕啓

奉使無狀蔑聞中率之稱有命自天更說爰書之
寄繫欲宣朝廷去殺之德意抑亦吝知旧吹生之
惠心真毀凡以言功類暴尪而好兩恠怩而已摧

謝惕然敬惟年丈博哉之仁輔以聖賢淵乎之學
言漢九事而八為律邁主父之明謨知秦十失而
一尚存有溫舒之鯁論推向來代為諸老之對為
今日責善朋友之書舉惠文而相規請事斯語問
刑鼎而宜卷其敢飾非佩服于心條陳莫狀

除直秘閣謝宰相啓

廓祥聖室未平風樹之悲寓直石渠忽被絲綸之
渥控辭不獲震觀載深伏念某丘園搗人書策漫
仕其出也馬不進而非後其處也鳥倦飛而知還
頃將繡指以落南偶殄綠林而逐北上焉天威廟

筭之是奉下焉帥臣將士之服勤因人而成何力
之有孰謂戰多之僭冒膺儒館之除置蘭錡於蓬
山雜僕姑於芸簡下筆而妙言語我無能焉上車
而問寒溫拔止此爾茲蓋伏遇大丞相文武維憲
精神折衝逖彼蹄林尚不逃於備著蠹茲符澤顧
何辱於爬梳睠顏行之微勞亦功令之並錄某敢
不仰慙坏冶俯策罷駑旅力旣愆雖乏適時之用
桑榆非晚益堅報國之忠過此以還未知所措

除吏部郎官謝宰相啓

湖海十年分絕脩門之夢雲天一札忽傳省戶之

除孰云處士之星復近長安之日伏念某老當益
癩病使早衰落乘空山晝拾狙公之橡粟寒江釣
雪夜隨贅叟之笞箠自知甚朋無所可用方攬牛
衣而表卧驚聞騶谷之馮招蓬門始開山容相慶
載命呂安之駕旋彈貢禹之冠搔自首以重來問
青綾之無恙玄都之挑千樹花復蕩然金城之柳
十困木猶如此慨其顧影於朝蹟從此寄身於化
工茲蓋伏遇大丞相舜使是君稷思由已謂即官
上應於列宿任惟其人而宰相下遂於物宜器非
求舊眷前魚而罔棄使去鶴之復飯某敢不乃心

銓衡所職夙夜豈惟春選守光庭之聖書儻或秋
豪贊山公之啓事

賀皇孫郡王冬節啓

史筆登書瞻宮雲之有爛土圭測日映邸雪以初
長宜帝祉之鼎來錫天文而有羨恭惟

皇孫節使郡王繼承漢緒濬哲湯孫三世親郊紹
千歲之統六親嘉慶奉上萬年之觴某叨侍儲闈
密依德宇願謹天氣嚴凝之令永符曾孫壽考之

詩

嘉定元年春三月男


長孺

編定

端平元年夏五月門人羅

茂良

校正



誠齋集卷第五十三終

誠齋集卷第五十四

啓

賀皇孫郡王年節啓

廬陵楊

萬里

廷秀

頌椒上日遙觀七始之華奉玉慈宮式介萬年之
壽開必先而有衍昌厥後以無疆恭惟
皇孫節使郡王茂質蘭芬芳猷玉振九重春色繚
漢殿以一新三世綵衣慶堯年之八秩曾孫來止
福祿攸同某辱在儲寮仰逢邦慶允極欣欣之喜
莫陳翫翫之思

回譚提舉啓

白髮千莖老思故友梅花萬里難得一技夫何漢
水之錦鱗遠寄蒼梧之雲物既其歎矣欲往從之
載惟南溟搏扶之池未遠中別清淑之氣山有龍
目離支之寶水有夜光明月之珍蓋地產不足以
當其奇故人物間出而蔚其傑曲江振開元天寶
之烈余襄起嘉祐慶曆之名今茲復見於一賢吾
亦何畏於二老文則甚古凜有柳州雅健之風用
雖未宏已著韓子精荒之解春乃作鱖之笑壞於
言利之臣粵之東西病及上下帝擇儒者福彼遐

毗謂宣母我以酌民言聞其敢議不必避礙以合
上意幸其樂聞惟不計俗吏速化之勲自能得斯
民久利之實辱在末契願禪下風

賀皇孫郡王冬節啓

緯恟珠囊占五星之同軌時和玉燭吹六琯之淳
灰穀且維新闕休紹至恭惟

皇孫節使郡王生而宣哲學以明誠日月就將上
動三宮之喜春秋鼎盛下開萬嗣之祥哀對昭時
導迎純嘏某叨塵儲隸得望容暉方天地閉藏之
時所先安性則壽富康寧之福於以延年

賀 皇孫平陽郡王年節啓

節在椒盤慶集頌花之詠春回蘭殿祥闥奕葉之
光錫厥鴻禧集于朱邸恭惟

皇孫節使郡王聰明生稟學問夙成新而又新副
兩親之歡喜且而彼且承二聖之光華某自媿陋
儒叨塵儲隸遲遲春日願動輕璧之功秩秩德音
動中式金之度

回二廣譚提舉賀新除秘書少監啓

伏以作掾西曹安得將無同之對技文東觀俾讀
所未見之書可能下筆之有神自笑上車而不落

永懷平生久要之友超然命世淵偉之美龍翔韶
鈞之文桔槔昭代鳳舉金碧之使光華遠郊挈攜
輦流推擇氣類已蒙嗟枯吹生之力更詔浮聲切
響之牋遠所不如故應舉韓泰而有代佩之無斲
庶勿忘王粲之好音

回郴州丁端叔直閣謝到任啓

恭審一麾出守五馬來南令修於庭戶之間不嚴
而治民和於壠畝之上式舞且歌恭惟判府直閣
發身以文賦政以學中外多譽士皆曰非小用之
才通遐並觀公豈有不可為之郡建牙近止挂笏

蕭然平心蠻俗之悍輕送眼郴山之竒變榻暗蘇
仙之井苔荒義帝之碑御板輿升輕軒不妨將母
而行樂凌太虛橫碧落即看奮翼而怒飛某辱在
與游偶遲修慶攬四六之妙語讀再三而益慙善
頌惟深敵詞未既

與吉州守王弱翁啓

一麾出守五馬南來威惠先庚不待賢史君之三
令吏民旁午載欣郡博士之重臨無勞施為講若
寧壹恭惟判府寺丞剛大以直之氣鬼壘絕俗之
材當其在布衣之中名滿兩學及其立朝端之右

聖頌一時丞哉農扈之繁偉矣風稜之峻君子之
所持以為砥柱小人之所憚以為蕭霜惟其持方
而入國是以難進而易退孰知上意似厚江西擇
兩禁論思之英于宣帥聞至一道採訪之使特起
儒先復疇勝流作填吾郡雲飛川泳將見諸賢意
氣之恟同兩卧風餐側聽百姓詠歌之和樂又恐
有先一州之怨當不免選諸表之求某請外天從
飯田日逼就荒三徑喜淵明松菊之猶存願受一
屢效許子衣冠之自織襪屣不腆遣騎以聞

回筠州交代俞守寺正啓

躡鳳沼之瓊瑤旧綴鸚鵡之未製劍池之菡萏新
分符竹之餘矧辱從於大小籍咸之游茲復託於
前後趙張之契此其情誼之不淺豈俟聲畫而後
明恭惟交代判府寺正人門之懿兩隆學政之源
一致懷連城而佩明月中涵珠玉之輝提干將而
運青萍外迎犀兕之解蚤橫翔於九棘棗決讞於
二桃草綠園扉星沉貫索至今籍甚談者題之作
江西道院之主人佳政自是其餘事侍天上玉皇
之香案細書即趣於遄敏某倦飛作痴函討成癖
摧墮病鶴出樊籠而未能摩挲曉猿幸蕙帳之無

恙荷上恩之優渥界近郡之便安罔慕而燒襖衣
知故人之尚爾折梅而寄驛使媿芳訊之先焉敢
拜重勤願言多謝

筠州到任謝周右相啓

天上仙山既收朝蹟江西道院復畀便藩未容卒
歲之淹已趣班春之蚤伏念某山林野性筆研苦
心作賦非工敢自許同時之司馬草玄何用焉知
有後世之子雲偶當聖賢相逢之辰墮在英俊並
游之列紛十年其奔奏敢再命以來敏或慕之以
繞月之烏或怵之以過風之鷁彼意非惡此愚不

移居亡幾何又復妄發顧子平昏嫁之役咄咄逼人乞牧之江海之麾忽忽就道方還舍而稅駕將息交以絕游平章溪山檢校松菊忽成瓜之接近戒行李於斯復求閑得壯暫靜彼動自無仙骨非閑羞薄於蓬萊猶假守符來酌清冷於丹井服之無數換屨所元茲蓋伏遇丞相盛德格于皇天孤忠貫日月乎白日所期相業至周召而乃留豈俾吾君為堯舜而弗克旁招諸彥同底隆平有如木疆亦在匠斲某敢不策其後倦礪乃既愆於斯何先願賦豈弟宜民之雅以報其上庶幾中和樂職

之詩

回余復狀元啓

伏審入奉削策遂冠倫魁新天子將大有為端不喜阿匱苟容之士諸老生皆未能對忽驚聞忠慨深烈之言恭惟狀元先輩氣鍾七閩海山之英名出六館秀孝之表問學河漢豈屑原夫之兩聯時世文章政堪莞爾之一笑惟厚於蘊而不市故搜其珍而獨逢首衷然而嘉之其無日問津速化之往先立乎其大者可緩夫識路疾驅之功甚老矣洵朝飯歟在夢春蠶食葉偶得聞下筆之聲秋鷺

當雲復預觀整翮之舉凜然高誼惠我好辭何以
報之聊復爾耳其所稱述未詳發揮

荅第二人曾漸殿元啓

伏審言揚大廷名亞舉首劉蕢過董宣惟二三策
之嘉曹參次蕭猶在十八侯之石蔡惟殿元輩以
美妙未世之齒扶磊落不世之才把釣而拂珊瑚
矍然山林枯槁之士排雲而叫閭闔勇哉義奮發
之辭徒步來大江之西一日驚盛名之下平生學
力當不為摘領之資後日世懷以此占櫻鱗之舉
某旧鄰鄉社新識風裁偶陪集賢之堵牆與聞九

實之臚句未遑進牘先辱贈文不敏有云何足以
謝

荅第三人王亦殿啓

伏審奏篇乙覽分鼎甲科探曲江之花豈計較王
盧之後起明光之草終追隨季孟之間恭惟殿元
先輩稟寶婺山川之英傳東萊伊洛之學簡編燈
火不作老生陳腐之談師友淵源吐為忠臣剴切
之對言鋪張而有萬名臚句以在三家理故可移
於官事無難者學不能行謂之病子其懋之某老
矣無惊黯然懷旧不迴東野悵題字以相看如見

元賓喜惠書之甚似未遑脩慶乃辱見臨不敏有云何足以謝

謝李壁通判啓

伏以荆溪假守嘗識李君父子之間蓬島拔文適逢元方兄弟之至知來臨之再枉亦走見而兩乖如相避然政不辭此恭惟府判中大家傳金匱石室之學身為瑤林瓊樹之英詒我五七之篇重以四六之語明月之珠夜光璧忽銜袖以滿襟虎豹之文鸞鳳之音併眩眸而盈耳已戒走卒謹偵行塵折屐候門頌下風而三肅揮塵落飯聽新雨而

一談摧謝惟深修辭何述


謝李臺制幹啓

伏以長身玉立猶及瞻一老之下風有子璧連今又仰二難之偉器彼此交謫來往不逢何人事之好乖念親友而作惡恭惟制幹傳學奕葉摘文載奕伯仲並游於上都聲名傾動於朝著雪山藥園之賦轆轤莊騷雲溪草堂之詩盪摩甫白自笈年過於半百忽逢敵至而作双左枝右梧覺應接之不暇前茅後勁欲進退而未能摧謝惟深修辭莫稱


與淮東劉總領啓

伏以江西道院嘗依刺史之天京口計臺復託王
人之庇繫一生淺陋之迹乃每逢麻蔭之私恭惟
奉使總領卽中氣蓋諸公名高當世尊主庇民之
學夙蘊胸中經天緯地之文不專紙上早擢東堂
之桂煥騰南斗之星中外踐更譽處焯著朝廷議
論出諸老未言之先州部按行震百吏澄清之表
帝心妙簡事任彌隆昭哉列宿之華給此上流之
饌卽取簪筆持橐之列豈待積日累月之淹某老
矣懷敏謁焉補外不圖表病之迹辱在存全之餘

修禮以恭依仁則篤其為欣頌未究敷陳



誠齋集卷第五十四終



誠齋集卷第五十五

啓

廬陵楊

萬里

廷秀

與前盱眙葛寺丞啓

題慈恩之雁塔初託同年過荆溪之鷁舟再分一
 日慨雲散之滋久喜霧披之此逢恭惟宮使判府
 寺丞氣蓋諸公名高當世尊主庇民之學素蘊胸
 中經天緯地之文不專紙上蚤擢東堂之桂騰輝
 南斗之星從鳴弦治行之最高膺賜環嚴召而入
 覲簿正外府吏無遁情制除為丞國乃既富一麾

出守千騎東方賢於七百里之長城自當十萬兵
之並塞暫此珍臺之少憩即看廣厦之論思某十
載違離寸心鑿寐不意凋年之遲暮得親盛德之
高明為驩欣未究宣寫

謝陳左截啓

屬聞鈴齋小寓長卿之重客誰謂草徑亦迂韓子
之高軒折屐齒以驩迎聽衝牙之清越恭惟判院
有譽寡二收科壘双潛心覃思研百聖之淵藪下
筆摛藻喑衆作之嚶鳴將總轡於石渠東觀之清
躔聊發軔於都內水衡之劇務某少而嗜學耄矣
息心照乘連城驚逢至寶之投贈擊轅拊缶第媿
報章之蔬蕪感激有懷鋪張何極

回韓撫州賀年啓

御溝新柳初回天上之春江路野梅忽寄隴頭之
信感故人之相慶興元日以俱來恭惟判府即中
中人門雙高聲實兼茂臨康樂山水之郡不妨清
游哦少陵鶯花之詩即還近列某立朝無補視蔭
又新撫歲月之如流慨林泉之未返

辭免贛州得祠進職謝宰執啓

間館珍臺奉仙真於霞外道山延閣聯論讓於日

諫齋集卷五十五
邊曾是山澤之臞洽于雨露之渥伏念某景薄朽
止分甘晏如幼學之壯而欲行之豈不願仕今老
矣無能為也矣加之卧疴頃落黃茅之鄉屬嬰清
漳之痼臂使指而衝決指與穎而仇謀吹燈而作
蠅頭故非所辨涉筆而署紙尾亦復作雞虜辱千
騎之東來敢把一麾而出守籲天自免下詔曲從
羸牛輟耕聽林間之橫笛老馬倦路脫果下之鳴
珂茲蓋伏遇某官亮天曰仁下士以禮播鈞德普
遂万物之攸宜納隍思深憂一夫之不獲若為老
病尚賦餽牽某方息交絕游處陰林影濯清泉以

自絮一洗滿裾之埃抱明月而長終未知報德之
所

賀周丞相迂入府第啓

恭審五卜習吉三神前驅兩兩上能有巖有翼潭
潭新府是斷是迂茲謂天下之廣居曷云一國之
鉅室岩岳迎六一之思穎水石繞衛公之平泉楚
畹滋蘭淮山移桂兩簾雲棟不但春深將相之家
樓影花光別有天入滄浪之瀨恭惟驩慶某凍吟
甕牖跂足宮牆室通而人則遐空有渴心之勞止
屢成而燕不賀自笑病身之寧如

賀太守冬啓

伏以雲低魯觀紀華袞一字之書日麗魏宮詠刺
繡五紋之句瑟彼賓贊蔚手府庭恭惟某官政隨
日新身法天運名章俊語淨珠星璧月之光義氣
仁風回水谷雪山之暖聊復折梅於東閣即看鳴
玉於紫宸某爭席漁樵遁身江海華裾織翠自憐
賀客之莫隨凍硯流澌更媿慶牋之不琢

賀周監丞冬啓

伏以日華五色初行北陸之塵雲氣萬重特書南
至之瑞仁者賢者神之聽之厥有善祥集于眉壽

恭惟某官性辯造乎白雪文律中於黃鐘所謂伊
人粹然水釋而理順在彼空谷淡乎霜清而水寒
盍乘一爻陽復之辰遂邁三點鷓行之羽某羸然
病骨老矣空山製江南落毛之衣聊以卒歲試囊
中餐玉之法可以御冬趨賀未由石詞不敏

賀周丞相冬啓

伏以景至特書紀三台五雲之瑞客來作頌賡万
有千歲之章恟氣橫流汪寒載燠恭惟某官補天
道妙播物功崇徒杠成而橫野水之舟微霰零而
縮霖雨之手巡檐索笑幽尋驛使而折梅登樓銷

憂遠睇漁翁之釣雪長於上古而不老永與造物
而為徒某拾掇樂飢束薪附火稍遙賀屢仰瞻相
府之潭居不腆壽觴奉上田家之老瓦其為頌詠
罔既敷陳

謝周監丞冬節餽海錯果實啓

伏以味鏡潭之魚蝦覺海兩江風之入齒飮水盤
之柿橘粲烏婢金彈之照人敢期四者之難并乃
肯一時而分付恭惟某官軫交游之雲散感節物
之日新舉白飛觴忽念山中之客絕甘分少送將
席上之珍頓首拜嘉白辭抒謝

謝周丞相賀轉中大夫啓

伏以飛龍在天重闢太極春兩潤木四達逐生野
不遺於外祠秩增視於內史我聞有命尚未敬授
於贊書公將祗騶相先下逮之慶語小遲九頓首
之謝敢忘一援手之恩占辭不莊全度是望

回新知通州葛寺丞啓

布帆無恙尚記江頭楓葉之秋尺素相思忽得隴
首梅花之信蓋清風朗月必思於玄度而高山遠
水久隔於昌黎側聞千騎之除不越兩淮之近如
欲占公論之存否胡不眠善人之屈伸恭惟某官

所學深造於道原餘事通達於國體語妙天下親
傳前輩之典刑虜在目中自任當世之勲業旧嘗
在漢廷群臣之右者晚乃取唐家一障而乘之袖
間之手幾年塞上之馬再至未容茸燾之健即有
璽書之追其卧病荒寒懷人峭跋誰某見太白於
禹穴願言問信於何如安得逢杜甫於飯山空相
別來之太瘦抒謝不敏摛詞未殫

除煥章閣待制謝余丞相啓

祝釐報上洊陪漢時之祠官第頌展詩復玷堯文
之次對方朝廷求旧以示盛德之事何草茅下客

乃為多士之先仰惟七閣之穹崇臧去列聖之制
作惟我高后如彼陶唐以巍煥之文章式經緯於
天地金聲玉振紹二典與三謨星翻漢回舉万物
而五色顧典領之已重况論思之至榮如某者老
而益衰病以自免二節以走阻造大明之朝三命
滋恭躡陞法從之列使宅珍臺之拂日得參仙侶
之御風擣龜殼而食蛤蜊游汗漫九垓之上揭斗
柄以幹海水嬉蓬萊方丈之間庸有為人而擇官
乃令起世而絕俗茲蓋伏遇大丞相學詣乾坤之
緼忠爭日月之光以周公父師之尊弼于嗣聖謂

商山羽翼之旧野有遺民後太上之意先廣初元
之孝理某敢不堅此歲晚答于已知放鶴出籠尚
竊壯哉雀鼠之餽縱魚入海遂獲沛乎風岳之敏
過此以還未知所措

賀周丞相年啓

伏以嗣聖初年度三朝之元會鴻鈞一氣轉万國
之春風恭惟上相顙面正朝之崇超然倫魁珍臺
間館之表法天之運希聖之蹟祉發祥應期紹至
水橫梅影旧嘗和玉鉉之羹地出醴泉新釀作椒
花之酒願奉上魯公万有千歲之遐壽更永觀尚

父二十四考之屢書嘉頌無央修辭不腆

回周子中監丞賀年啓

伏以王者大一統肇新謹始之元君子法四時裒
對履端之慶是叢壽富康寧之福畢集氣志清明
之躬恭惟某官德行淵濶伯仲伊吕東風解凍吹
成白雪之詞章春日載陽藹入紫芝之眉宇即覲
天門之金榜徑昇卿月於玉墀某幽屏山寒不知
歲換冰花徹骨怯如難至之鸞柏葉稱觴慙於相
賀之燕寸心孤往尺牘萬分

謝周丞相啓

誠齋集卷第五十五終
屬入州府獲登相門初未仰潭府而觀光既乃下
懸榻而設醴登樓假日縱觀晴吳曉楚之天說詩
解頤朗詠老蜀臥秦之句雲間梁棟世界鷲花江
山遠開應接不暇超然歎羞蓬萊而薄負嶠浩乎
若決雲漢而略扶來觀瞻少及榮感於万謹抒謝
臆仰惟鈞察

誠齋集卷第五十五終

誠齋集卷第五十六

廬陵楊

萬里

廷秀

啓

荅周子中監丞賀除待制啓

伏以接靈囿於閭館已冒祠官之除森寶書於玉
堂猷塵次對之選方抗章而祈免致抒謝之少臯
恭惟某官文行追李前脩名實冠乎昭代晋伯之
與微仲仰玉山兩峯之並寒東坡之及穎濱豈金
友秀華之小異除進退通塞之外無優劣季孟之
間脫袖手以旁觀請懸車而不得清標絕俗高節

邁倫元方之難為兄中表每慙於先用卓茂之拜
太傅功名何必於早年某幼辱與游永矢同志忘
形而到甬汝婁分燿燭之光揮手而出肺肝靜看
衣狗之變一出而試兩俱無逢豈其所操之疇皆
非速售之韞雖枕流漱石終隨高蹈以相依然濁
泥清塵曷曰下風之敢望偶誤膺於異數遽先辱
於慶牋燁霜開電圻之光以華其老鏘玉佩瓊珞
之韵大振厥詞先之以河東吹送之私申之以渭
北論文之好心万其感言多奚為

卷撫州周通判

恭審端策辰良紆印組之方寸下車燕喜割風月
以平分朝發六一其郊其里之鄉暮登半山若蟠
若踞之閣庭闈咫尺官府穹崇雖名兩地之暫殊
其實一望而可接忠孝兼美家國俱榮恭惟府判
直閣學傳者齋之衣職屈士元之驥以三十年涵
養之充實久遁其光與二千石協同於寅恭姑小
其誅獨不見虹蜺紫翠之暈其下乃珠玉潛伏之
暉有至珍而未沽無深閼之能掄過庭詩禮瞻夫
子之在前錫山土田苴魯公之拜後某自笑老病
其誰嘉矜擁高蓋以及門續其觀者焚枯魚而酌

禮豈曰禮云恟燕賀之未伸駭鯉封之先甲靖言
多謝不蓋有訖

回周丞相賀進爵開國子轉太中大夫

伏以進周家列爵之封其班視子增賈傳超遷之
秩有命在塗顧同時胃寵之疊双甫通日拜嘉之
先一有待而謝乃失之辜茲蓋伏遇致政少傳大
觀文龙丞相國公洪化壘枯上仁播物柳舒梅放
皆在春風吹万之中川泳雲飛孰出元氣函三之
外某身其餘幾望已無他久爭席於漁村尚挂名
於官簿連城明月首動相慶之環詞墜露落英頤

賀周丞相年

伏以二年正月挈天地以趨新泰階六符開月星
之明概倬彼造化爲工之處郁乎雲烟非霧之祥
恭惟某官一氣轉乎瀉鈞二儀爲之交恭揭載陽
之日以照平泉之水石斂解凍之風以熙曲阜之
山川侵雪色漏春光玩萱草柳條之變餐朝霞飲
沅瀆追方瞳綠髮之仙某青筮遺心白匱託命聯
句洛社願聞中立拉花之詞守歲咸家敬献子美
頌椒之祝

賀周子中監丞年

伏以三月立春方過寒氣土牛之送二年正月又
見盍簪握馬之宣有美一人來同万福恭惟某官
人物標的文章主盟剪水鏤冰瑀天葩而覲巧御
風騎氣與造物以同游哀對履端之告元乘成泰
吉而彙進雲隨白水聊小詠於鸞花日射黃金即
高吟於烟草某老兼疾至坐感時迂江路野梅敬
寄一枝之信椒盤栢酒阻稱千歲之觴

答周子中

屬聞二難詹集方尋對床聽兩之盟一乘載奔願
遵會弁如星之列望行塵而未至悵人事之好乖

覺再回於生意惓惓有感嘯嘯無央仰惟鈞慈俯
賜燭照

答周丞相送糟蟹打木團

恭承妙摘走送幽餉疊雙戾止則百拜斯郭索束
裝更挾帶糟之味餽餽彫朽新翻寒具之油豈加
籩之敢嘗敬造禘而先薦自我婦子分此絕甘俾
公壽域餘無以報

再答周丞相賀除待制

帝有恩言陞之次對臣無虛受方且控辭適寸心
恍駭之不遑致尺牘摧謝之小緩首蒙相國軫記

有儒先之瓊瑤玉佩之偉詞申之以鉄畫銀鈎之
妙墨非烟非霧豈不榮也正而芒寒如絲如綸尚
未獲下拜而登受姑徐有頃別摯謝牋不容騎吏
之空飯先為感悚而張

答吉守

比蒙聖恩擢寘次對自顧弗稱甫茲固辭致小緩
於謝牋迺先勤於慶牘爰緘朗詠摘詞有瑒玉佩
瓊瑤恍從霄漢而下墮破甑敝帚忽覺名價之頓
高俟登受於絲綸顯敬修於札翰姑謝誨劄非曰
報章仰惟台慈俯垂亮察

衝泥而取弛擔甚憊忽傳魚繭之良訊共歎燕鴻
之失期辭旨丁寧意氣凄切其為感激罔既敷宣

賀太守年

伏以送寒氣以土牛春方迎於帝皞喧盍簪之握
馬歲又慶於王正有賸邦君之賢允洽國人之頌
恭惟某官奉詔寬大頒飛中和春日載陽散作万
家之叶氣東風解凍潛泰吉之遠離半月瞻仰二
天江路野梅敬寄一枝之信椒盤柏酒阻稱千歲
之觴

答廣東唐憲

恭審崇朝而易三節游疏東閩之恩出使而占二
星不離南斗之次光芒所被中外載瞻恭惟某官
以清節兩唐之子孫有高名千古之風烈秀林間
之桂拂蒼玉之嶒峨折嶺上梅漱碧海之芳潤爰
自珠宮之市就領冰坻之鯁曾不踰時復移司憲
欲知聖主急賢之意於屢遷而小觀從此春風立
箏之班即一起而直入某新摩病眼快睹除書曾
燕賀之未遑忽鯉封之先墜愧喜兼集攄寫奚窮

答廬陵黃宰

伏以乘槎犯斗泊秋日之樓臺拄杖穿花步寒溪

之金碧究十里九山之險抵千岩万岳之幽未童
子之鷹門已羽人之響屐恭惟某官鐔城寶氣脩
水聞孫句法親傳蓬掃花當出迎千里之命駕折
荷薦芟庶小款一尊之論文

賀周丞相戊午年冬


伏以日在牽牛應周官之測景月居繫馬申呂令
以警農仰占東垣上相之躔正集南極老人之次
恭惟致政少傅大觀文左丞相國公鈞陶万類寅
亮兩儀迎一丈三尺之暉載臨履永上方有千歲
之頌以慶踐長某蓄雪絕甘鑊水自苦惡風動地

誰憐獨冷之餘愛日行天幸在負暄之下謂之善
禱未易立談仰惟鈞慈賜之下燭

賀余丞相得祠祿

恭審謁告五旬屹然堅卧而不動遣使十反詔以
留行而莫回奔騰東華之紅塵追送出關之紫氣
觀者歎息光于古今恭惟某官謨合臯陶之嘉身
任伊尹之重故邦家之扞隍拯之以一手而天下
之危疑決之以片言昇啓明掃朝霞寅賓出日降
元精扶太極昭格于天方當命珪相印賞功之秋
乃賦清風明月閑人之句車幾兩馬幾駟豈惟帝

賜疏傳之金蕃四國宣四方更醉王餞申伯之酒
分十連之重寄冠三殿之大稱竟請真祠敏榮鄉
社凜全名高節之獨著復前侯故相之未曾鴻鷺
候門爭前飛而相導鵷鷺回首仰遐舉之孤騫某
辱知彌深聞歌舞千里命駕當尋山行水宿之
盟一尊論文已作金春玉應之夢喜而不寐情見
手辭



誠齋集卷第五十七

廬陵楊

萬里

廷秀

啓

己未賀周益公年

五年王春先問建杓於北斗正月元日頌回入律
之東風自非少傳寅亮之切那得太平有象之慶
恭惟某官身為造化手掣馭維轉一氣之瀉鈞昔
嘗入甄陶之下調四時之玉燭今猶蒙土苴之餘
即拜周公而為師更與廣成而同歲某牛衣僵卧
鶯喚不醒忽報頌椒之辰壯寄折梅之信西江万

頃釀作聖人之清南極一星祝為仁者之壽

荅周監丞己未年

伏以書函交馳誰無施而不報使者係道亦何往
而不來初謂先人有奪人之心今乃求繫而得繫
之戚恭惟某官揮毫珠玉滿紙雲烟倚馬方言視
粲蔭而未徙解牛十二拂刀及以如新敢當孫子
正正之旗遂應魏公焯焯之策此既豎降幡而棄
甲公其振旅凱以還師摧謝不莊仰惟台察

回周丞相賀年送羊麪

伏以玉衡之正泰階密運發春於隴首銀鈎之明

重紙有來守歲之感家舉林鴉櫪馬以皆驚顧官
柳野梅而亦喜恭惟某官以整頓乾坤之手而對
盛德之木以開闔月星之機而噉逐頌之椒吐辭
為經妙者三天而兩地染雲作葉忽然萬草而千
花既下詔謂一之環文復飲賜疊及之節物霏霏
落雪如聞天旋雷動之聲灑灑飲池想見風吹草
低之狀自嗤一室之懸罄那得二美之所鍾已飽
而歌益習其讀矐若奔逸恍失一交臂之間待其
春容惟有九頓首而坐摧謝不恪誦言未央

荅周監丞送錦鳩十四隻免羝酒香榼

伏以錦羽在粲翩翩二七褐衣缺口躍躍一雙挾
騅伯以俱來併木奴而畢集恭惟某官邦家麴蘖
儒學鳳麟游梁王之兔園夙推能賦賜漢廷之鳩
杖晚冠耆美擗頰續騷酒箴飽德填然四美醉此
一翁某已嘗占調敬致追節忽拜辱於珍餉敢復抒
於謝誠

賀趙守冬

兒童騎竹初迎五馬之臨律呂吹葭忽報一陽之
復誰謂大冬之在序頰回小至以如春惠化川行
善祥山則恭惟某官德同愛日文妙書雲非烟祥

風轉天地巖凝之氣雪山水岳照旌旗錦繡之香
斂時十萬戶之騅聲散作一千里之暖翠恐即飛
於鳳詔遂趣入於鷓行某忽忽望塵咄咄還舍倚
南溪之沙柳方狎漁樵之游仰東閣之官梅莫陪
賓贊之賀善頌無數多言未殫

答趙守

屬勤折簡招致初筵捧移檄以載奔茲謂州民之
敬侍盛饌而變色更為野老之榮退省清羸久嬰
沉痾為心病為耳痛殆百疾以交攻不飲酒不茹
葷每十物而九忌僭瀝危惴敢辭縟儀自知方命

之事必祇大何之譴乃重煩於厨傳特飲賜於珍
芳下乳酒於青雲出瑯盤之白玉紫衣織緋衣走
紛吏卒之鼎來朝食饗夕食殮湊餼牽而畢集加
籩既秩折俎畢豐靖言餘生尚竊厚祿歲糜粟已
耗蠹於邦儲因維庖人徼饗擾於臺餽其為媿感
莫究周諄

荅周丞相遠迎

衡雨入郭仰謝洪鈞之塊坻登車載路忽傳真帖
之光華辱問訊其良苦於泥中則俯伏而下拜於
道左方將迎應接之罔暇覺進退周旋之弗能盈

耳輝如之玉鏘橫空詭烝而鳳躍恩勤至厚感愧
來并善用兵者出奇無窮驚逢突騎不待期而薄
人於陰願豎降幡

賀趙守丁巳年

使君千騎方瞻高牙大纛之新春王三朝復慶列
炬盞簪之盛恭惟判府提舉太中頒條朝徹出令
春生泥東風解凍之崇光揭暎日載陽之清淑綠
攬原野青飯桑麻問斗杓於天邊暫帶江城之月
詠龍池於花外即聞長樂之鐘某已矣年衰居然
歲換椒盤栢酒阻稱千歲之觴官柳野梅敬寄一

技之信

謝周丞相送冬節羊麪

嚼水飲水久可木客之山殮落雪卧沙走送玳筵
之綺饌夫何天上之相圍猶念山中之病身餽節
疊雙拜嘉則百恭惟某官有粉米粢裳之妙巧有
鹽梅商鼎之丕功以德飽人豈空為畫地之餅作
羹食士未嘗偏前日之羊嗟腐儒之覓腸駭厨珍
之飲賜既將之以鉄畫銀鈎之牘復華之以瓊瑤
玉佩之詞炙硯燃薪聊寫苦吟而摧謝冷牕凍壁
頓回春意之暄妍懷感孔多頌言無斁

入城回周丞相遠迎

市有虎以殺人久不夢碧瓦朱甍之城郭門登龍
而為御願再瞻青天白日之清明方夙興炊桂以
風餐已首勤行李之郊勞霞發簡牘之字天落雲
錦之書三過讀以清鏘九頓首而距躍頭白眼暗
安得拜北平王於馬前意豁神傾即當候龐德公
之林下卒卒推謝拳拳未宣

謝周丞相年節送一轡十免

適遣山僮疾馳賀幅忽逢騎吏交賜誨函既以一
鍬逆相直之鋒自笑五更起侵早之晚瓊瑤屢擊

金薤紛披先之以柳條花塢之春申之以白獸練
旗之寵野人拜此何福如焉獵雪後之銀麈更哦
庾信之句失月中之玉兔不羨聖俞之詩二珍疊
雙十輩登一摧謝薄遽蔬蕪不勝

荅贛州黃侍郎年

伏以日廉崆峒揭載陽之五色春生隴首啓華始
之三朝仰賢帥於德鄰函神天之祉福恭惟某官
邦家司直岳牧詞人問斗杓於天邊暫帶江城之
月詠龍池於花外即聞長樂之鐘遂轉鴻鈞永調
玉燭某年表甚矣歲換惘然方僵卧以沉緜乃游

勤於勞苦顧微生高之可笑安敢乞醢惟嚴鄭公
之垂憐時蒙送酒其為感戴罔究敷陳摧謝不莊
仰惟委照

寒食享祀謝王才臣送北果

伏以熟食按節春祠享先野藪山肴方酌言於老
瓦胡桃松實忽盈止於加籩繫宗祊之曰靈徵祉
福以冥報豈惟無似之孫子分寶有朋之令芳杼
謝不莊揀心靡已

荅周丞相

丞相之子彥敷來訪予草具一飯彥敷入京

與予二子往還丞相以啓見謝併報予長子
改秩小男就銓

茅檐覆地敢枉東閣卽君之車旌旆拂天肯臨北
山愚公之舍自笑春韭黃梁之寒陋安得青芻白
飯之滋豐瞻巍冠之切雲聆崇論之振玉驩然促
席舉似過庭誦頌挫清世之箴細巖恕敬謙之旨
坐使回聞而知十底須尤問而得三不圖談笑相
親之間盡窺宗廟百官之韞欲摧謝而未克忽誨
言之有來顧惟荷蓀二子之賤微曾何足算乃至
長安共客之落寞其困不矜論以得覲之日辰與

夫考藝之姓字河陽桃李茲可忘一紙之春風吏
部銓衡恐難遁諸公之刀尺仰感烹魚之素俯寬
紙牘之私奏記不誑捺心靡已

荅周丞相賀長男改秩幼子中銓

長男老矣初臨世懸之万家幼子斐然偶試吏部
而一得民之多倖揆厥所元繫我公頭章破白之
恩及平日口講拾青之誨率俾先人之門戶未荒
數畝之蓬蒿蔽之中心感焉至骨續其慶語之游
至嗟若謝詞之數究名位卑微誤辱二雛之賀衣
冠盛事敢當一字之褒泚筆有齋俦風孤往

恭審膺受贊書光啓封國分茅胙土允為儒學之
榮增秩賜書即表公卿之選恭惟驩慶某卧病山
野阻造府廷不勝狗馬之誠敬馳燕雀之賀

小即蓋 荅周丞相再賀生孫啓

伏以童孫載毓鄉衮踰襲方馳摧謝之緘重拜屢
書之帖擬上天啟平地之將相偶同物而類生近
當去日是中元之公台云看鞭之先我曾謂釋駮

僭希勲賢仰止兵萊崇崕之切敬惟刀益峻極之
德俱絕出於百世迺併期於一嬰若彼借寇恂於
明年已恨雌而恨薄矧此與周公而並處敢亦步

而亦趨雖心知其不然感意愛之非淺欣悰何數
對臆未央

謝周丞相冬節送十鳩四兔啓

伏以鴈鳩在梅方與七雛而啄雪狡兔入草深藏
三窟以卧霜夫何相府之虞衡小試手園之鷹犬
併掩羽毛之美以給刀七之鮮分似謏聞飲以大
爵錦翼倍五漿之餽褐衣餘四矢之癡喙三尺以
流涎食方丈而在眼不狩不獵第厚愧伐檀之詩
非熊非羆恐再畝釣渭之叟

荅周監丞賀冬啓

時益公冬
啓同至

昨遣長鬚敬致短札以修巫歲之賀仰祝大年之
祥介者未遑使乎踵至方與南北阮之族小語竹
林忽報東西周之師併攻揚邑雲合霧集車馳卒
奔焉敢仰閱而攻分甘曳兵而走尚蒙四酒以飲
子反先以乘韋而犒孟明既效卻至之趨風即出
檀公之上策左支伯兮偉節之怒右梧仲氏丞相
之嗔紛紜之間應接不暇摧謝不恪多言未窮

吞撫州周通判冬啓

伏以微陽萌動小至晴寒恭惟某官捧二尺之木
書對一文之線日飯省天上之二老敬浮長至之

重觴州里榮光薦紳散豔歌萬有千歲之頌祝眉
壽於一家賦五更三點之詩看鷓行之首入其為
善禱未易縷陳

賀周丞相自長沙移帥豫章啓

膺天贊書謀帥鄉部孤忠貫日已開南岳之雲餘
事作詩却卷西山之雨上釋宵衣之憂顧下觀畫
繡之榮光即命唐叔而飯于東復立傳說而置諸
左俟入而賀今未足云某老以病身寄于知已修
方伯連帥之職舍我誰哉忘平生久要之言非予
望者拳拳之悃尚面以陳

謝周丞相餽歲三物鳩麀驢肉啓

燕詞引玉已乃其榮綺饌席珍復三有賜披輝公
之尺素得鳩婦之五紋驅馬獵麀細哦庾信之句
取驢逐虎更味退之之言敢不拜嘉知何以謝
髦之悃詹詹莫窮

答周丞相謝看樓啓

昨巾私車擁豎公府豈惟拭目從觀元龍百尺之
新端欲折腰雅拜方朔六符之趨誰謂山林之老
叟得參袞繡之後塵筍輿金梯我公忽在於天半
黃冠野服賤子矐若於雲間笑語一聲江山千里

食前方丈知主人何愛於絕甘尊底十分顧病骨
不堪於作苦此外泛應亦復孔艱知我者以為嵇
康命駕之相過傍觀者或謂樂克圖舖之有在僕
所有寸心難處之事誰為言之公乃以尺紙踰度
之辭不可加矣感焉髦髦謝則勿勿

答賀吉水王縣丞啓

恭審喜傳雙鷲文視四羊巨竹對松朗詠循除之
水崇桃積李平分壯懸之春播播仁風欣欣民氣
恭惟某官膠庠先進湖海勝流蚤馳雋聲孰不誦
秋水落霞之句晚成大器尚未施瑤林瓊樹之材

初吟漂水之星心今署藍田之紙尾以儒術而飾
吏事蓋老成而有典刑逢茲休明行矣騫翥其眠
雲岩石釣雪寒江三徑就荒誰其顧者四騏沃若
公乃過之更詒瓊琚玉佩之詞足為山鹿野麋之
寵摧謝不恪榮感無央

謝周丞相賀年送羊麩并麀章啓

伏以花燃錦帳占玉盡金粟之何祥冰照雪山映
柏酒椒觴而呈瑞忽騎吏瓊瑤之跡臨野人雲月
之家天落上台之書風清垂露之字龍蛇動篋滄
然霧結而烟霏珠壁連文嚼若霜開而電圻長哦

吉語足制墮齡加饋歲之兼三賞迎春而無兩丞
花曆玉笑渠沉氏之飲朝煮餅澆葱試作廣微之
薄夜更珍餉銀麀之羨覺揮毫玉兔之窮摧謝不
莊仰惟鈞察

謝衡州陸守回書并送書籍黃雀北果啓

伏以門掩候蟲那得可羅之雀月明烏鵲忽報所
罾之魚烹之得書恍若見面恭惟某官人今而學
之古德清而政之和瓊芳玉暉蔚機雲秀傑之氣
洲回震啓凜遜抗英雄之風乃作意於陳人至垂
憐而鄭重靡叩弗應如鼓吞抱瞻祝融紫蓋之峰

峯手峻極顧野服黃冠之狀老矣推頽莫勝舐犢
之私僭申巢燕之託不寧隨翰墨文章之絕妙端
復拜策書看核之滋豐東觀西崑怪底牙籤之未
見南烹北果快哉犀筋之新膏願推老老之仁勉
為子子之惠大德不報雖負衛平之言中心何忘
敬賦周人之雅

回太和阜宰庚申年賀年送酒啓

正月一
日戊子

伏以歲在申而先庚符藝祖興王之運日維戊而
配子應吾皇誕聖之辰惟賢履端與國咸慶恭惟
某官以閩川孝秀之冠續山谷弦歌之聲春閣風

烟興寄鄰封之桃李釣臺箏巖夢回古寺之林塘
後先百年標韻一致勿歎江西之飲水即看花底
之退朝某釣雪孤舟眠雲岩石聽澗松之清吹方
哦茗枕之勲下乳酒於青雲忽拜山瓶之味感悰
靡已推謝不莊


回五安趙宰賀年送金橘山藥葶菜啓


伏以王春六年又臨獻歲正月元日阻慶履端初
驚市橋柳色之新忽拜隴首梅花之信恭惟某官
頌椒絕唱夢草偉詞逢日暖風放河陽之桃李黃
鸝紫燕和武城之絃歌即升度於玉墀遂頡頏於

霞佩某爵水万岳披雪一萑自束白茅飯蕒黃獨
誰謂紅塵之騎飛隨紫山之章鑄金梓之柘丸更
詒嘉楛熬瓊糜於山蕘貳以珍蔬芬然焯頭之芳
辛醒此莧腸之清苦感懷無數占謝未央

庚申臘回周丞相送一鹿四兔啓

鼻息晝眠方餉之而成曲足音午夢驚啄之叩
門雙玉寸金忽披妙札一糜乘媿如芳珍烹味起
逢澤之介麋群掩中山之明視薦新屏攝分餽室
家為公酌竹葉以先嘗尉存窮鬼恐僕蹴蔬畦而
見怪駭愕藏神摧謝不莊猷咲斯在





誠齋集卷第五十九

啓

廬陵楊

萬里

廷秀

謝臨江軍兼守送酒啓

伏蒙台慈特屈二千石之達尊分以三十輩之驩
伯百末玉色一卮重錫首敵屏攝以薦新次與室
家而受餽徑醉公瑾醇德之惠媿無少陵濃香之
詩摧謝不莊感藏何極

回吉州趙司戶得憲臺舉縣令小啓

伏以戶掾屈杜有光綠水之芙蓉憲臺薦衡先種

花封之桃李惟中之充者其表自燁顧價之重而
所讎尚輕僕何力之有焉入而賀則後矣更徃而
教以媿其心不勝主臣夫復何道

回廬陵黃宰謝得審察指揮啓

恭審茂宰報政諸臺薦賢膺天家待除之恩錫公
府察廉之命恭惟離慶某蒙賴次若聞音躍如繫
雀賀之小阜已鯉封之下隨咎在不敏言之起羞

吞周丞相謝訪及啓

昨入州府獲登相門仰瞻泰階之六符曲承留款
亟返衡宇之三徑政坐病衰小阜摧謝之函已拜

勞還震震以懼詹詹未詳

回贛守新除廣帥彭子山郎中賀年送酒

啓

貧居卧雪安知梅柳之春軍將打門踏作瓊瑤之
跡乃諫議茶書之問訊致拾遺伯酒之慇懃恭惟
某官節堂飲水詞清剪水煙峒簾日方布耕菜隴
畝之和觀閣連天又新戟纛纛纛之盛即頒銀信
遂度玉墀某似范一寒如鄭獨冷故人別我尚蒙
分乳酒於青雲閑官病身自此寄誰家之大厦
謝韓提舉賀正送碧香酒并鵝鱉啓

伏以元日至人日初回遲廉於雪中長懷復短懷
政仰光華於天半忽辱隴首梅花之信更分蒲城
竹葉之春恭惟某官志在澄清威行刺舉傳吏部
之學自六藝下逮於百家紹荊州之名願一識乃
榮於萬戶宸對東風解水之序峻陞西清寓直之
聯小屈使星槎上光浮於銀漢坊瞻卿月春前徑
度於玉墀某行李白鏡生涯青笠方與狙公而拾
橡驚聞軍將之打門對酒而愛新鵝一之謂甚得
玉而求寶劍二者得兼便覺冷牕凍壁之温頗解
啼飢號寒之色感歲何數摧謝未央

答吉水秦宰啓

伏以錦纜牙樯沂濤江而夜上桃蹊李徑覺花縣
之春生仁聲四馳邦域咸喜恭惟某官秦淮山川
之秀紹興師相之孫翠竹碧梧載瞻鸞鵠之傳峙
紫樞黃閣尚有老成之典刑小屈子男之封即慶
公侯之復某老矣冉冉歛歟休休方幸病身仰託
萬間之庇敢圖謙德先詒一字之褒摧謝不莊誦
言靡已

答聶倅送談風月軒記一軸啓

伏以層軒偉然一新風月之壯觀蕪詞陋矣不啻

巴渝之俚音既沈翠珉之鏡鑄復點華綺之藻藉
賜以墨本覽之頰頰摧謝不莊誦言靡已

荅胡季亨啓

辭奉談間居諸易久妙帖下逮長牋偕來明月連
城驟驚滿把落英墜露頓覺回春某三章乞骸四
載俟命蒙恩從欲謝事畝田顧摧謝之未能忍廢
語之先辱

吞宿松知縣戴在伯賀致仕啓

數同寮於金陵相離不少其為投分之石友今
復幾何怒飛者莫顧於榆扮漂零者恍如於霜葉

豈謂在伯知縣朝議僚友才名絕世高誼薄雲志
乎古違乎今不嚮於市炎而附寒而棄無貳爾心
尚憐長缺之缺未忍短檠之棄方親朋舉無於一
字莫徃莫來乃星月獨垂於兩章以引以翼非特
暄涼之間加遺藥物之珍望清淮之幾山空隨落
照慨長江之萬里不隔相思毫毫有懷詹々不盡

謝新雷州劉教授啓

伏以太學賢士新折東堂之桂枝廣文先生肯顧
南溪之鷗鷺掃苔錢而三肅淪茗椀而一談恭惟
某官學易詣於畫前出語妙於天下短檠勳績屢

先鳴館下之諸儒長劍光芒誰能掩斗間之寶氣
果摘髭於慈塔遂奪席於泮宮曾謂陳人乃迂齋
趾詒我佩珍出銜袖之文書報之木瓜媿抽毫之
蕪拙髦髦以感詹詹未殫

賀周丞相年啓

伏以六年王春正月元日乃占三陽道長之繇為
賦千歲眉壽之詩舉五福以川增集一相之山立
恭惟驪慶某屏居林野遠蹟火城莫陪華裾織翠
之賓奉上椒盤頌花之壽敬哦僊語寫諸楮生之
前亦有村驂旅于庭實之末

賀黃經略啓

恭審碧幢拂日紫氣過家自長沙益國之畝久不
瞻元帥之禮樂繫建炎丞相之後今復見大將之
鼓旗小憩午橋之莊即前乙夜之對屬茲瘡老未
拜羽儀敬染小夫之竿仰徹連敖之謁

答周丞相啓

恭羨玉字送似憲書惟小子得為入幕之賓皆我
公賜以薦祢之墨拔之汗瀆濯以清波免爭龍斷
之錐刀得託外臺之覆露何以報德藏之中心

答本路張提舉啓

一別瑤林瓊樹之姿十年夢耳再覲秋月華星之
字三讀恍然仰惟南宮之望卽自是東序之秘寶
蚤馳大手筆之譽載揚飛霞佩之程拄笏設臺蓋
踵曲江之步武乘槎犯斗小迂博望之光華誰謂
二天之崇未忘一日之雅錦書彪列繡口劬愉茅
棟榭籬覺春風之入戶荷衣芟製驚華表之繞身
稱謝未詳伏惟原省

誠齋集卷第五十九終

誠齋集卷第六十

廬陵楊

萬里

廷秀

啓

與本路運使權大卿啓

恭審膺受重書肅將水漕錦江玉壘回岷峨曉日
之旗雲棟雨簾煥棗梓畫衣之繡過家通止卽拜
榮如恭惟某官嗣中興佐命之英為昭代典刑之
老卽星卿月徧春風玉筍之班使傳仙槎犯北斗
銀河之浪乃底可績式造其歸卽陪紫禁之鸞花
密綴彤庭之筆橐某十年不見千里相思獨有二

天晚託故人之履壽憑將尺素小攄慶語之慇懃

賀周丞相致仕啓

恭審三請告老九重莫回雖周傳益崇亮天地於
孤保之右然陶仙徑去挂衣冠於神武之前恭惟
某官太極之學先乎兩儀王佐之材周乎萬物致
君而上堯舜是殆見善者之德機有道而出羲皇
表獨立超然之燕處人猶望其再相已乃決於一
歸八千為春方觀壽福之未艾七十致仕首舉禮
經而力行眇近世諸公之絕無凜天下烈士之却
立或謂平章軍國之重時未釋於潞公孰知富貴

名節之全天併還於郭令某幻侍場屋老贊鈞樞
玩海上之鴻已辱俯同於保社眷籠中之鶴自憐
未脫於馬羈稱慶不勝摘詞何述

答雷運使啓

伏以候紫氣於東關仰紛郁烟雲之表揭文星於
南斗俯照臨翼軫之厯未伸燕賀之惟寅拜辱離
封之先甲恭惟都運煥章吏部一世儒先之冠四
朝俊彥之宗英識絕人不待三十里辨外孫之字
名章傳後咸曰二百年無吏部之文方直上以干
霄曷斜飛而取勢鸞旂茸燾分閭宣威玉節仙槎

乘軺問俗輒環久矣駟召宜之屬登攬於日畿示
遄歸於天闕浮家泛宅駕言靈巖香徑之游反旆
南轅又賦秋水落霞之句小淹暮月之頃即綴三
能之躔某獨速在躬笈簪入手誰謂繡衣之使者
肯顧黃冠之野夫先施裁金截玉之聯以為漱石
枕流之寵浩歌綠水恐詒聽者之清愁持寄白雲
式表山中之遠信

答廬陵趙宰啓

伏以命代風騷久誦長笛倚樓之佳句拂天旌旆
驟臨東蕝黃石之山人怪曉猿夜鶴之先鳴報問

柳尋花之將至瑯衝牙之入戶折屐齒以出迎恭
惟某官以翩翩公子之佳乃戛戛陳言之去宅不
土之里蔚為今日之德麟集上古以來再見西京
之子政啓夕秀於未振吐天葩之奇芬惜古道無
人而獨行技將安售烟溼井不食而莫測聖者所
艱顧不屑千室之邑而割雞真辱此六鈞之弓於
射鼠公肯以儒而飾吏民知學道之愛人載路風
謠已入魯山于為于之曲第頌臺閣即賡卿雲且
復且之歌某行李一叢生涯半菽脛寒山雪慨黃
獨之無苜舟載月明盟白鷗而為友曾未修玉川

參韓尹之敬何以蒙洛令訪表安之謙掃花徑而
開蓬門惜未容於小款用木季而報瓊玖慚不稱
於所蒙悃幅無央誦言罔既

吞江西提舉張即中賀年啓

伏以御溝新柳催省卽花底之朝東閣官梅寄驛
使隴頭之信怪底玉蟲之報喜鼎來金薤之有華
恭惟某官粹德春暉清名雪室池塘入夢挾綠波
碧草之詞原隰觀風廣紫燕黃鸝之句立繡衣於
霄漢倚玉節於雲霞盍乘泰陽哀對晉晝登車攬
轡回漢家八使之輪上馬設囊傳唐相九齡之笏

某柴立槁項木茹空山短褐風霜自笑一寒之如
此長瓶塵土懶吟五斗之自然敢期天上之故人
尚憶門間之羊面分正字之水衲頓回冰氏之温
拜司業之酒錢更覺窮兒之富銜戢不淺揆叙未
央

與新吉守劉伯協啓

恭審消選岳牧保隆藩維偉然斗南一狄之英大
名乘於宇宙俾彼江右三劉之裔茂開冠乎雲霄
不待見而識耿介拔俗之標望其來而起中和樂
職之頌恭惟判府太中經天潛地之學挈國濟民

之謨沂子政子駿之淵源海同川會續公是公非
之光豔電折霜關播柳山之最聲為湘江之表選
繫我扮掄之社為今鄒魯之邦鵠袍萬人來游半
台星三點下燭平泉疇咨可績之賢宅乃承流之
帥良二千石後稱西京循吏之遺風連一萬艘前
借東坡送行之佳句小漱白鷺青原之芳潤玆登
紫荷玉筍之班聯某久挂雙綵將撰二屨扶杖聽
詔即望見於葱珩當戶抱兒敢妄規於薤本跋迂
迓喋喋未央

荅新吉水王宰啓

恭審載錫之邑有銅其章文江為文字之祥誰其
盟主王姓乃王者之後今屬仁侯恭惟某官世擅
鴻經詞傳雜檄斫桂月脇名高賢士之關種花河
陽身為廉吏之表民亦勞止公其念哉聞將解瑟
以更弦豈有張弓而不弛若石壕無捉人之吏賢
於猛獸之渡河或溪水煎催租之癡顧曰園扉之
鞠草即疇密縣之績入冠漢廷之班某久矣挂冠
楚然望履連城明月媿先柱於媿詞枯木寒灰已
頓回於煖意摧謝不敏多言未窮

荅吉水顧縣尉啓

開蓬門而掃花徑方知腸谷之嚮乘回風而載雲
旗忽報梅仙之降恍蒼茫而折屐迎芳業之巍冠
恭惟仙尉學士揆度庚寅收科甲乙瞻虎頭之金
粟凜然江左之祖風詠雞中之月星妙絕溧陽之
句法乃如壯縣東南一尉之職未補太學朝暮十
年之勒即占鸚鵡之祥遂集孔鸞之綴某與蝶同
夢從鷗爭沙久矣管城之絕交塵封破硯遽焉墨
客之投贈玉振空山但矜臧去之榮莫稱言讎之
報

荅徐教授啓

伏以晝眠如醉方詒孝先弟子之群朝午夢若驚
忽辱廣文先生之一顧亟整冠而肅容已銜袖而
贈言恭惟教授學士落落千齡之古心混混九川
之詞力南州高士具存孺子之風流太學諸儒屢
薦何蕃之行誼蚤收科於秀孝首分教於膠庠必
于決忠孝仁義之淵釀郁斯士俾人皆棟榦琬琰
之器光輝有邦夫誰知中止莪蒿之勲端不下凌
煙冠劍之傑今焉在津我自樂無甌之寒行矣談
經衆爭榮奪席之寵某筇簞漉月襪襖披雲已忘
魚魯之偏旁敢言識字况復龍鍾而健倒久不入

城遙勝賓塔敬馳謝牘

谷新韓案撫字子啓

恭審皇咨元臣帥我洪府金印紫綬映三公袞冕
之九章玉珂青幢分萬乘旌旗之一半湖山春動
父老堵觀恭惟判府安撫太尉節使相公忠孝雙
美而不矜文武兩有而無對北斗喉舌可虛聽履
之星辰南紀波瀾又俟洪源之舟楫繫名德續我
於先正宜台符淵曜於象賢潁濱上太尉之書屹
然河嶽之望永叔記武康之節蔚乎曩鼎之動不
崇朝黃麻之一新兼二者青氈而復舊乃輟槐位

火城之邃聿來兩簾雲棟之游山上有山小歌樂
府之句相門出相即賦遄歸之詩某寒栖滄浪遐
矚霄漢花迎新使曾未隨扶杖之民葉滿空山首
辱問束薪之客既對月偕星而折簡復染雲翦水
以摘詞藏尺牘以為榮白珩非寶操寸管而書紙
丹心已灰占謝不莊永懷何極

賀周敬伯以幸學恩免省啓

恭審九重尊道萬乘臨雍詔褒東序之名儒名揚
乃職恩視南宮之淡墨咸造在廷允為鄉黨章甫
逢掖之榮匪直公家瑤林瓊樹之慶恭惟新恩省

學士以凡蔣邢茅之冒傳翼康師伏之詩論正而
葩回狂瀾於既倒詞懸以則謝朝花於已披二十
辭家八千鼓篋將軍百戰久矣不侯永平三朝於
焉賜爵即復吾州戊辰之典再魁聖時乙丑之科
某如已得之恨身老矣燕雀賀屢自憐衰病而未
能鸞風冲霄更期摩厲而待敵

荅本路陳漕寶謨大卿啓

恭審出節少府觀風上流卿月之度玉墀方鷲雲
霄之步使星之汎銀漢忽臨翼軫之虛父老爭扶
杖而往觀官吏有解印而自免恭惟都運寶謨大

卿海涵地負之學星翻漢回之文使之進讀於金
華必力陳於仁義使之代言於玉署當丕變於訓
詞廼謙于張之平式敬摹蘇之律有德者進惟邦
之榮豈無他人可充唐使於十道不有君子孰重
漢廷之九卿偉進退之甚都曾眷留之莫可爰陞
閔閣之邃俾福大江之西光華一臨威惠兩有春
生南浦回綠波碧草之風光雨卷西山凜秋水落
霞之霜氣不應黔突之久即綴紫荷之聯某嘗以
姓名徹于几格致老牛舐犢之懇肯被厖恩藏渴
驥奔泉之書今猶永寶屬聞攬轡之始偶苦採薪

之憂譚子賀齊已幸逃不至之代李白道甫乃首
寄何如之聲感懼交如推謝惕若

致仕轉通議大夫除寶文閣待制謝宰執

啓

伏以掛衣冠於神武已叨增秩之一階侍奎壁於
寶儲復進隆名之四等恩華其晚望過厥初伏念
某為貪覓官未老先病偶憶灑西之茅屋遂別江
東之暮雲雙鬢蒼浪紛霜華之滿鏡孤身疾痛獨
藥裡之関心誤膺天上之榮光俾作山中之法從
懼濡其尾宜乞其骸蓋禮經賜杖之年故應謝事

而邦典垂車之令蓋致為臣况朝廷淬礪於士風
欲臣子保全於名節儻乾沒而不已斯倒行而何
觀四年于茲屢牘以請 聖主奚資於故帚春
留行賢相未忍於遺簪遲遲報可忽俞音之來下
驚病骨之頓蘇爰出臆詞雖解縱滄江之鷗鷺已
抽手板猶追隨紫禁之鸞花竊自憂其始終乃蒙
護其玷缺不辱知已庸非至仁茲蓋伏遇某官一
德昭天大忠揭日謂正臣表治可令廉耻之不張
故大夫閔煩式聽山林之長往仰承明詔下飾餘
生某感恩則多圖報無所鍾鳴漏盡雖然縱浪大

化之中兩卧風餐豈在一氣鴻鈞之外

答陳勉之丞相啓

恭審皇咨真儒冊拜端揆人生之論一相蓋弄印
以久虛冢宰之正百工軍秉鈞而獨運告廷風偃
挈國山安恭惟驩慶某夙依仍墻喜加十倍耿幽
潛而遠蹟隔班賀之下陳卧病蕭然奏記後矣迺
先傳於寶牘外發雲霞仍下隨於除書中含雨露
慄乎自失感甚而慙爾念某解組一終還笏五稔
仰 聖主儲精九重之邃何繇記憶於病夫微丞
相造滕片言之恩其誰薦進於孤迹雖然是舉其

者未安繫上台熙載之惟新正天下具瞻之攸屬
伊欲建格天格帝之烈獨不在持衡之大公儻弗
避非親非故之嫌庸詎曰清濟之無玷可私墜履
之舊或承播物之羞寧惟自愛以全軀將恐上累
於知已願賜密啓亟回誤恩俾餘生終追於鑠金
庶未路罔愁於碎璧

除寶謨閣直學士謝陳丞相啓

伏以退居南畝方尋壑以崎嶇進律西清忽登瀛
而榮耀允出大鈞之播不令小物之遺伏念某少
信書長而載贄柴車言邁必遇九縈之羊腸布帆

斯張又逢七日之鹿角偶以老癢而移病非云高
譽以取名解組一星挂冠五稔答簪手綠岸之雨
獨速乎白鷗之沙抱明月而長終寧鈞天之復夢
繫 光皇之寶訓新天祿之玉函炳若丹青與八
卦九章而表裡倬彼雲漢爭三辰五緯之光芒曾
是毫荒乃叨典領頃辭彭澤號葛天之遺民晚伴
香山班元和之學士茲蓋伏遇特進大丞相國公
清忠堂乎水雪盛德格乎天淵謨合臯陶之嘉廉
溫廉而翕受才有周公之美篇故舊而不遺春日
載陽句萌盡達某邈未參拜淒其感懷仰之彌高

政望東閔之紫氣何以報德持寄山中之白雲

嘉定元年春三月男

長孺 編定

端丰元年夏五月門人羅

茂良 校正

誠齋集卷第六十終

誠齋集卷第六十一

啓

廬陵楊

萬里

廷秀

答周監丞賀除寶謨閣直學士啓

伏以帝奉先猷新禹謨之天祿恩叨寓直登唐館
之瀛洲繫乘成先生借月且之評致吾黨小子進
奎躔之職伏念其漁樵爭席雲月為家木柄長鏡
斲同谷之山雪桃花流水釣西塞之江風敢期尺
一詔之頒誕寘十八人之列目昏青簡頭渾白以
柰何身被綠蓑腰縱黃而不稱何修臻此揆厥所

元茲蓋伏遇致政提舉監丞學諸三五之源文傳
六一之統金口木舌駕所說以無前玉佩瓊琚著
厥詞而愈偉親執杏壇之牛耳俯視槐宮之鼠肝
獨無愛於游談喜推表於同輩老耄矣蒙暖律之
一吹暮色蒼然忽秋草之更綠某屬者自歛惕焉
控辭紙落雲烟首辱一幅八行之牘聲諧韶濩更
詒駢四儂六之迫及謝思於公朝乃能吞賦於齋
閣今已後矣真魯人二國之臯何以報之媿乎子
四愁之詠

荅本路陳漕送冬酒啓

伏以斗仰巖瞻望清風於天外陽生道長舒和氣
於人寰慶先集於一臺福遂均於十部恭惟都運
寶謨大卿文炳日星之紀學見天地之心雪山倚
空方輝映孔鸞之集卿士惟月乃照臨翼軫之厯
即乘七日來復之期往造五花判事之處其密依
陳榻未辨猷舟下乳酒於青雲忽拜山瓶之賜寄
魚書之白錦更詭烟樹之詞摧謝不莊頌言靡已

荅本路陳運使送元正節酒啓

伏以寒盡春生轉光風於七始冰解漕下溢喜氣
於一臺福以類升道隨陽長恭惟都運安撫寶謨

大卿筆補造化紙落雲煙椒盤頌花又入杜陵之
新句官梅動興更追何遜之高吟即上直於玉堂
供履端之春帖某嚮水松下釣雪溪頭幸獨有於
二天乃不陰於元日遠勞青州從事之嘉惠實獲
我心媿無黃絹幼婦之好辭以拜君賜

與寧國府傅樞使啓

伏以辭奉上台之光今一終矣願在下風之惘夢
多見之隔天闌九虎之崇深覺漢水雙魚之疏闊
或者未忘於末至不然敢逆於顏行恭惟判府大
資樞使相公文冠唐朝之兩科家傳高相之一傳

有草堂先生之烈茲老成典形之尚存有司馬君
寶之風辭樞機周密而不拜請廼翁之舊治尉故
老之去思執謝守之澄江乃賡淨練筆梅郎之疊
嶂迓續絕絃即書名姓於金甌襲作塩梅於玉鉉
某生涯獨速行李筌箸千里同風悵相望於兩地
一子政喜獨有於上天敢乞恩斯而閱斯庶容體
是而鬻是有傲懇款靡所終窮

賜衣帶謝陳勉之丞相啓

久製荷衣豈識宮衣之舊絢內分金帶反觀韋帶
之酸寒未聞老退之遠臣與被匪頒之異數茲蓋

伏遇大丞相特進國公上扶天造下遂物宜發晏
子之仁言前陳造膝廣周王之好賜施及病身某
來日無多前途就窄潭潭相府想厭聞結草之誦
詞喋喋畜夫竟莫報拔茅之恩紀

賜衣帶謝雷朝宗左司啓

孤雲無依方宿巖而翻月自天有賜爰錫帶以遺
衣白發其端烏得無自茲蓋伏遇在司仁言廼玉
欵唾成珠鄼侯論功允出鄂秋之建議琅邪就國
率本田春之立談感德何窮占詞已淺

賜衣帶謝戶部王少愚侍郎啓

孤雲無依方宿巖而翻月自天有賜爰錫帶以遺
衣費大農金帛之所儲命有司出納而不吝茲蓋
伏遇判部侍郎持心近厚博愛謂仁肯若叔孫之
裂裳日其褊矣端為武公而請服安且吉兮感德
何窮占詞已淺

謝趙德老大資舉女婿陳丞京狀啓

伏以挂冠神武之門居然一紀望履翹材之館邈
若九霄于何冰氏子之寒欲動雪山佛之聽真持
方寸之木輕撞萬石之鐘頃不自量廼竊有請借
以東床之下容控于北斗之鴻樞懇陳鶻繞之依

仰祈黷表之薦敢觀使大資相公其應如響有味
其言既稱其稟不世之才又重以行有用之學使
老僕當二語之寵敢云披襟豈後生蒙一字之褒
可不避席而况揚清之公舉左艱破白之首章惟
元勳鉅德之相臣欣為之唱則使節所麾之執事
和者爭先是一紙之春風兼五奏之秋實儲宗造
化難方化筆之穹崇渤澥波瀾莫測恩波之浩蕩
感深次骨言不寫心

謝福帥何樞使許薦陳丞啓

伏以卧疾清漳箭激一星之紀上書光範廷撞萬

石之鍾頃不自量乃竊有請僭以東床之下客控
于北斗之鴻樞俸陳鵲樹之依仰甸鸚章之染敢
謂判府安撫觀文樞使相公以袞衣繡裳之崇岷
不忘貧賤之交以銀鈎玉唾之光華允答迪忱之
懇云薦紙之罔缺許嗣歲之兼收立談賜白璧之
雙一諾重黃金之百屬子淵之頌蜀援建武以借
徇朝徹九關夕頒一札即舊邦而因任布大冊之
焜煌峻紫宸絕等之班示赤舄遺歸之信天其或
者我有遇焉極知帥閫之需頭歲中不再亦聞秘
殿之薦目囊底有三偶時制立限負之文至來年

乃拜賜之日息壤在彼奚事苟庚之尋盟秉燭夜
行猶恐靈均之先路倚俟瓊琚之報不勝狗馬之
情

答新廬陵陳宰啓

伏以廬陵壯縣非方六七十之小邦邑長通年財
董數二三之佳政今衆口又談於明府舉萬人想
望其仁賢恭惟判懸中大太丘德闕之聞孫碧落
仙真之猶子管城泓楮初欲策勲二尺之檠玉樹
芝蘭晚乃折腰五斗之米身中清而雪絮手奉職
以風生諸公蜚薦鸞之五章九重遣割雞於百里

河陽桃李已先春而作花武城絃歌不崇朝而偃
草某漁樵爭席雲月為家忽驚剝之啄之之叩門
更詒怪之奇之之妙贖暗投明月故應無按劍之
譏報之英瓊竟虛辱錯刀之贈髦髦之悃詹詹未
央

謝太守胡平十斬盜葬墓啓

伏睹判府寺正台判以賊人羅十六發妻父故承
事卽羅天文墓盜葬斬罪訖者發冢元惡服刑府
廷當三人夜盜於堽墓之林其誰知者乃一日
暴寃於神明之政此舉赫然昭黃泉之憤於九天

靈白骨之枯而再肉從此衣冠之松擯安若泰山
遂使推埋之姦兇罔不落膽兩族兩感恩之淚乃
人歌掩骼之仁某嘉與外家同沐膏澤屬嬰瘥疾
抱至痛者一暮仍苦痔風忽下血之數斗蕭然垂
死力趨造而未能惕若占詞字敬頌而不恪其為
悲感罔究鋪張

通吉州李守啓

恭審出綽西垣分符南服偉然人望久應寘此綦囊
之班邈是江城乃復枉朱轡之轍自非重外何至
煩公先庚一臨旁午相慶恭惟判府太中英名山

重雅德川流夜光之璧階侯之珠焯為宗廟之寶
徂徠之松新甫之柏自是棟梁之材小試合淝監
貳聲大振臨賀循良之政繫吾鄉佳山水之郡有
先正分風月之堂召伯肯臨撫砌下甘棠之蔚若
王戎幻戲歎道旁苦李之宛然故老喜東閣即君
之來太史占南斗文星之粲第恐促馳於召節庸
或不俟於建牙某投老歸歟受廬幸甚紹興晚歲
嘗拜老龐公之後塵淳熙初年又忝大馮君之前
軫乃今得託於世契將大庇於老瘡寸心載欣千
謄莫寫

謝何樞使舉女婿陳丞改官啓

相門之老賓容手掇垣腹之親幕府之舉賢才首
剡需頭之奏望不及此幸危得之側聽十連之薦
負止限一削於滿歲闔山人物有今日小朝廷之
名樞極相臣負一世大宗師之望士經題品衆所
聳瞻豈惟京秩之階梯已入化工之坯冶矧以廣
文先生之親近每朝暮叩門而求之庸有藍田負
丞之闊踈無左右先容之進者初笑亡弓於楚國
終為得鹿之鄭人遂濟登茲孰維細是茲蓋伏遇
判府安撫觀文樞使相公道綜乾坤之緼望隆社

稷之臣周公之非吝驕篤故舊而無棄仲尼之本
忠恕記久要而不忘尚憐諸父之門生同是負元
之朝士老而不死歸然獨存薦其東床詣于北闕
猷蛇雀銜珠之語知所厭聞肩出處斷金之心永
以為好過此以往未知所裁

賀李吉州小啓

恭審練日唯良建牙有俶仁風義氣不減鼓琴之
南薰天時人和更沛隨車之甘雨恭惟驩慶某受
屢所部卧病空山騎竹而迎郭侯已落兒童之後
扶杖而聽漢詔莫陪父老之班

羅氏定親啓

朱陳二姓繪嫁聚以成圖劉范兩家締昏姻而以
世久矣古風之汨振俟乎吾黨以追還恭惟宣卿
知丞學士尊伯翁令姓必隆主簿學士親家位長
小娘子穉而惠和有外氏之內則而万里長男具
位長孺房下長孫子泰伯學而彊勉乃公家之彌
甥十世可知繼好復從於今始兩端而竭菲儀仍
守於舊規

嘉定元年春三月男



端平元年夏五月門人羅

長孺

編定

茂良

校正



言...
卷...
九

九

